

Հայտարարություն

ՀԱՅԱՍՏԱՆՈՒՄ

ԵՐԻՏԱՍԱՐԳՆԵՐԻ ՆԵՐԳՐԱՎՎԱԾՈՒԹՅԱՆ ԽԹԱՆՄԱՆ ԾՐԱԳԻՐ
Դրամաշնորհ No. TF016980

ՀՀ ֆինանսների նախարարության «Արտասահմանյան ֆինանսական ծրագրերի կառավարման կենտրոն» պետական հիմնարկը հայտնում է, որ Համաշխարհային բանկի «Հայաստանում Երիտասարդների ներգրավվածության խթանման» դրամաշնորհային ծրագրի /ԵՆԽԾ/ շրջանակում **«Ծրագրի տարածքային համակարգողների»** հանձնարարականի իրականացման համար խորհրդատուներ ընտրելու նպատակով հայտարարվում է անհատ խորհրդատուի ընտրության մրցույթ:

Ծրագրի շրջանակում նախատեսվում է ընտրել հինգ տարածքային համակարգողներ՝ մեկական համակարգող ՀՀ Շիրակի, Տավուշի, Գեղարքունիքի, Վայոց Ձորի եւ Սյունիքի մարզերից յուրաքանչյուրի համար: Ընտրված տարածքային համակարգողները պետք է ապահովեն իրենց հանձնարարված թիրախային մարզերում եւ համայնքներում Ծրագրի շրջանակներում իրականացվող միջոցառումների կազմակերպումն ու համակարգումը, դրանց արդյունավետ իրականացումն ու ամենօրյա վերահսկողությունը, հանրային կապերի եւ իրազեկման աշխատանքները:

Խորհրդատուները պետք է իրականացնեն հետեւյալ առաջադրանքները՝

- Նախնական վերլուծություն անցկացնեն պարզելու իրենց համակարգման տարածքում ԵՆԽԾ-ի միջոցառումների իրականացման նախադրյալները, այդ թվում՝*
 - հստակեցնելու համակարգման տարածքի երիտասարդության սոցիալական խնդիրների ընդհանուր նկարագիրը, հավաքելու տեղեկություններ այդ համայնքների եւ նրանց հիմնախնդիրների, մասնավորապես երիտասարդության եւ զբաղվածության խնդիրների վերաբերյալ,
 - հավաքելու տեղեկություններ ԵՆԽԾ-ի շրջանակներում նախատեսված նախագծերի եւ միջոցառումների իրականացման տեսանկյունից հավանական գործընկերներ կազմակերպությունների, ՋԼՄ-ների, պետական եւ համայնքային մարմինների վերաբերյալ,
 - պարզելու համակարգման տարածքում ԵՆԽԾ-ի շրջանակներում նախատեսված նախագծերի ու միջոցառումների արդյունավետ իրականացման հետ կապված պոտենցիալ դժվարություններն ու խոչընդոտները:
- Ծրագրի համակարգողի հետ քննարկումների համատեքստում մշակեն համապատասխան մարզում Ծրագրի իրականացման փոխհամաձայնեցված պլան:*
- Ապահովեն համապատասխան մարզում իրականացվող նախագծերի եւ միջոցառումների համակարգումն ու արդյունավետ իրականացումը, որը ենթադրում է համակարգման տարածքում՝*
 - 3.1. Ծրագրի շրջանակներում համագործակցության ապահովում մարզային իշխանությունների, սոցիալական ծառայություններ մատուցող եւ երիտասարդության հարցերով զբաղվող կազմակերպությունների հետ,
 - 3.2. աջակցություն ԵՆԽԾ-ի շրջանակներում նախագծերի ու միջոցառումների համար ընտրված խորհրդատվական կազմակերպությունների եւ այդ նախագծերի ու միջոցառումների իրականացման համար ընտրված համայնքների ՏԻՄ-երի միջև բնականոն համագործակցության հաստատմանը,
 - 3.3. խորհրդատվական ընկերությունների աշխատանքի հսկողություն եւ աջա, Ծրագրի Մոնիթորինգի ու գնահատման համապատասխան մասնագետի հետ բոլոր նախագծերի ու միջոցառումների կատարման ընթացքի վերահսկում, այդ նպատակով պարբերական այցելությունների իրականացում շահառու

- համայնքներ, արդյունքների վերաբերյալ ամսական հաշվետվությունների ներկայացում Ծրագրի համակարգողին,
- 3.4. ԵՆԽԾ-ի շրջանակներում իրականացվող ծրագրային միջոցառումների համար խորհրդակցությունների կազմակերպում եւ վարում,
- 3.5. մասնակցություն ԵՆԽԾ ենթածրագրերի առաջարկների եւ գնահատման ձեւերի ու ընթացակարգերի մշակմանը,
- 3.6. աջակցություն ենթածրագրերի (միջոցառումների) իրականացման համար ներկայացված տեխնիկական եւ ֆինանսական առաջարկների, ենթադրամաշնորհային ծրագրերի առաջարկների գնահատմանը եւ այլն:
4. *ԵՆԽԾ-ի իրականացման հարցերում աջակցեն՝* Ծրագրի համակարգողին, Ծրագրի համակարգող գրասենյակի մասնագետներին իրենց համակարգման տարածքում նախագծերի ու միջոցառումների պլանավորման եւ իրականացման հարցերում, իրականացվելիք ենթածրագրերի տեխնիկական հանձնարարականների մշակման հարցերում եւ այլն:

Ծառայությունները նախատեսվում է իրականացնել 2015թ. հունիսից-2016թ. մարտ ամիսների ընթացքում:

Խորհրդատուն պետք է բավարարի հետեւյալ որակավորման չափանիշներին եւ պետք է ունենա՝

- համապատասխան ոլորտներում, (Սոցիալական գիտությունների, տնտեսագիտության և հարակից այլ ոլորտներում) բակալավրի աստիճան:
- համայնքային զարգացման ծրագրերում կամ տեղական կազմակերպություններում դեկավար աշխատանքի փորձ (երիտասարդության և սոցիալական պաշտպանության ոլորտում ծրագրերի իրականացման փորձը կղիտվի որպես առավելություն),
- սոցիալական պաշտպանության և երիտասարդության հիմնահարցերի իմացություն,
- մարզի տարբեր տարածքներ հաճախակի մեկնելու, այնտեղ աշխատանքների իրականացման պատրաստակամություն (տվյալ մարզում մշտական բնակությունը պարտադիր է),
- կազմակերպչական, բանակցություններ վարելու, մարդկանց հետ արդյունավետ հաղորդակցվելու հմտություններ (զեկույցներ գրելու ունակությունը պարտադիր է),
- հայերենի գերազանց իմացություն (անգլերենի սահուն իմացությունը խիստ ցանկալի է),
- խորացված համակարգչային գիտելիքներ:

Մեծապես խրախուսվում է որակավորված երիտասարդ դիմորդների (30 տարեկան եւ ցածր) մասնակցությունը:

Վերը շարադրված պահանջներին համապատասխանող անհատ խորհրդատուները կարող են մինչեւ **2015թ. հունիսի 9-ը** ներկայացնել հետաքրքրվածության գրություն եւ կենսագրական թերթիկ ստորեւ նշված հասցեով՝ նշելով ծրագրի անվանումը եւ այն պաշտոնը, որին դիմում եք: Հետաքրքրվածության հայտերը կարող են ներկայացվել նաեւ էլեկտրոնային փոստով:

ՀՀ Ֆինանսների նախարարության
<< Արտասահմանյան ֆինանսական ծրագրերի կառավարման կենտրոն >> պետական
հիմնարկի գործադիր տնօրեն՝ Էդգար Ավետյանին
Երևան 0010, Տիգրան Մեծի պողոտա 4, 3-րդ հարկ
Հեռախոս. (037411) 910 581, 910 590
Էլ. փոստ. info@ffpmc.am